

პოლიტიკური რადიკალიზმი და ტერორიზმი

ვაჟა შუბითიძე
სტუ პროფესორი

შოთა კუბლაშვილი
სტუ დოქტორანტი

რეზიუმე

თანამედროვე პირობებში, პოლიტიკური რადიკალიზმის არსის და მისი საფუძვლების შესწავლა პოლიტიკური თუ სამეცნიერო წრეების დილემას წარმოადგენს. ამის მიზეზებად შეგვიძლია დავასახელოთ გლობალური პოლიტიკური თუ სხვა სახის კონფლიქტები. პოლიტიკური რადიკალიზმის გამოვლინების უკიდურესი ფორმა ტერორიზმი, იქცა პოლიტიკური ძალადობის და ძალმომრეობის ერთ-ერთ სახედ.

მსოფლიოში ტერორიზმის პრობლემა ლოკალური და საერთაშორისო უსაფრთხოების უმთავრეს პრობლემას წარმოადგენს. ტერორიზმი იქცა არა ერთი ქვეყნის შიდა პრობლემად, არა მხოლოდ უსაფრთხოების, არამედ პოლიტიკური კუთხითაც. საერთაშორისო პირობებში კი მსოფლიო თანამეგობრობის წინაშე ტერორიზმი დადგა როგორც გლობალური უსაფრთხოების პრობლემა. ის ფაქტი, რომ მომრავლეული ტერორისტული ორგანიზაციები საკმაოდ გამართული სტრუქტურის არიან, ქმნის საერთო პრობლემას ტერორიზმის წინააღმდეგ ბრძოლაში. ამიტომ, მართებულია შეფასებული იქნას ტერორიზმი, როგორც პოლიტიკური რადიკალიზმის გამოხატვის უკიდურესად ძალადობრივი სახე და განისაზღვროს კავშირი ტერორიზმსა და პოლიტიკურ რადიკალიზმის შორის.

ზოგადად მიღებულია, რომ რადიკალიზმი პოლიტიკურ/საზოგადოებრივ სფეროში მიღებული ფრაზაა, რომელსაც სხვადასხვა ნეგატიური განწყობების გამოსახატად იყენებენ. რადიკალიზმის ნეგატიური კონტექსტისაგან განსხვავებით, უნდა ითქვას, რომ პოლიტიკური რადიკალები შორს დგანან ტერორიზმისაგან და მათ მოხსენიება დოქტრინალურ ტერორისტებად საფუძველს მოკლებულია. ამ გარემოებას ადასტურებს ის ფაქტი, რომ პოლიტიკური რადიკალები მიმართავენ პოლიტიკურ აქტებს და არა ტერორისტულ ქმედებებს. მიუხედავად ამისა, ტერორიზმი უპირობოდ რადიკალურია და თავის თავში მოიცავს ძალადობის ფაქტებს, რომელიც მიმართულია პოლიტიკური წყობილების საწინააღმდეგოდ და მისი დემონტაჟისათვის.

არსებულ განსხვავებებთან ერთად, პოლიტიკურ რადიკალიზმსა და ტერორიზმს საერთო შტრიხებიც გააჩნიათ. ამის მაგალითია პოლიტიკური მემარჯვენე რადიკალების უკიდურესი ფრთა - უკიდურესი მემარჯვენეები, რომლებიც წინა პლანზე აყენებენ უფრო ძალმომრეობითი ხასიათის ქმედებებს, ვიდრე პოლიტიკურ გადაწყვეტილებებს.

საკვანძო ტერმინები: პოლიტიკა, პოლიტიკური რადიკალიზმი, ტერორიზმი, ტერორისტული აქტი.

POLITICAL RADICALISM AND TERRORISM

(The Dilemma of Radicalism, Moderation and Evolutionary Development in Georgian Politics)

Vaja Shubitidze
Professor of GTU
Shota Kublashvili
PhD student of GTU

SUMMARY

In modern conditions, the study of the essence of political radicalism and its foundations is a dilemma for political and scientific circles. Global political or other conflicts can be cited as the reasons for this. Terrorism, the extreme form of manifestation of political radicalism, has become one of the faces of political violence and coercion.

The problem of terrorism in the world is the main problem of local and international security. Terrorism has become an internal problem of not one country, not only from a security point of view but also from a political point of view. In international conditions, terrorism faced the world community as a global security problem. The fact that many terrorist organizations are well-structured creates a common problem in the fight against terrorism.

Therefore, it is appropriate to evaluate terrorism as an extremely violent form of expression of political radicalism and to determine the connection between terrorism and political radicalism. It is generally accepted that radicalism is a phrase in the political/societal sphere that is used to describe various negative attitudes. In contrast to the negative context of radicalism, it should be said that political radicals are far from terrorism, and calling them doctrinal terrorists is groundless. This circumstance is confirmed by the fact that political radicals resort to political acts and not to terrorist acts. Nevertheless, terrorism is certainly radical and includes acts of violence directed against the political system and its dismantling. Along with the existing differences, political radicalism and terrorism also have common features. An example of this is the extreme wing of the political right-wing radicals - extreme right-wingers who prioritize violent actions rather than political solutions.

Key words: Politics, Political radicalism, Terrorism, Terrorist Act.

ძირითადი ნაწილი

ტერორიზმი გლობალური გამოწვევაა. შეიარაღების, სოციალური ქსელების, ინფორმაციის მასობრივი საშუალებების ზრდა და განვითარება, დადებითი ასპექტია ტერორიზმის როლის და მასშტაბებისათვის, აღნიშნული კი ლოკალური თუ მსოფლიო საზოგადოებისათვის გამოუსწორებელი ზიანის მომტანია.

ტერორიზმის ძირითადი მიზანი სწორედ პოლიტიკური თუ საზოგადოებრივი დესტრუქციის გამოწვევაა ვინაიდან ის გამოიყენება უკანონო და ძალმომრეობითი ხასიათის ქმედებად გარკვეული პოლიტიკური თუ საზოგადოებრივ-სოციალური პრობლემების „აღმოსაფხვრელად“.

სწორედ ამიტომ, ჩვენ შევცდებით გავანალიზოთ ტერორიზმის განმარტებები, რომელიც საშუალებას მოგვცემს დავინახოთ ტერორიზმის მიზნები, ობიექტი და გამოწვეული შედეგები.

პოლიტიკურ ლექსიკაში ტერორიზმი, როგორც ტერმინი, ალბათ ყველაზე მეტად პოლიტიზებულ ხასიათს ატარებს. პოლიტიკოსები თუ საზოგადოების წევრები ტერმინს იყენებენ როგორც საკუთარი ოპოზიციის თუ მათდამი ნეგატიურად განწყობილი ძალების უარყოფით ასპექტში მოსახსენიებლად. ამიტომ ტერორიზმი, როგორც ტერმინი, რჩება ფართო განხილვის საგნად, ვინაიდან, არაა დადგენილი არამხოლოდ მისი მნიშვნელობა, არამედ გამოყენების არეალი და გამოიხატება, როგორც უარყოფითი მორალურ/ფსიქოლოგიური, ასევე კრიმინალური ფაქტების აღსაწერად. მიუხედავად ამისა, არსებობს ერთიანი შეთანხმება ტერორიზმის უარყოფით, კრიმინალურ ბუნებასთან დაკავშირებით.

თანამედროვე პირობებში, ტერორიზმის განმარტებები მრავლადაა მოცემული სხვადასხვა კვლევით თუ სახელმწიფო ორგანოების ანგარიშებში და ისინი 200-ზე მეტია¹.

ტერორიზმი სახელმწიფოების განვითარების ყველა ეტაპზე გვხვდება. ის გამოიყენებოდა კრიმინალური, ეთნიკური, რელიგიური თუ სხვა მიზნებით. დღეის მდგომარეობით უდავოდ დადგენილია, რომ ტერორიზმის განმარტება ერთსა და იმავე სახელმწიფოშიც კი სხვადასხვაგვარია, რაც განპირობებულია ამა თუ იმ სახელმწიფო ორგანოს ლეგიტიმაციიდან და მის მიერ რეგულირებული სფეროდან გამომდინარე. ამის ნათელი მაგალითია აშშ-ის სხვადასხვა სახელმწიფო უწყებების განმარტებები, რომლებსაც ისინი იყენებენ საკუთარი სფეროების მიხედვით და ესენია როგორც უსაფრთხოების, ასევე პოლიტიკური სფეროები. თუმცა, საზგასმით უნდა აღინიშნოს, რომ უწყებების (მიუხედავად მათი საქმიანობის სფეროებისა) მიერ გაკეთებული

განმარტებები მოიცავენ ტერორიზმის დამახასიათებელ საერთო ჩარჩოს, რაც განიმარტება როგორც ძალადობა, სახელმწიფოს, მისი პოლიტიკის და საზოგადოების წინააღმდეგ. შესაბამისად, ის ატარებს საერთო შტრიხს და ესაა ტერორიზმი, როგორც დანაშაული.

პროფესორი ბრიუს ჰოფმანი (Georgetown University), ნაშრომში „ტერორიზმის შიგნით“ (Inside Terrorism) გვაძლევს ტერორიზმის დეფინიციას, რომლის მიხედვით ტერორიზმი არის ძალადობა ან ძალადობის საფრთხე/მუქარა, რომელიც გამოიყენება და მიზნად ისახავს რაიმე პოლიტიკური მიზნის მიღწევას².

ბ. ჰოფმანის აზრით, ტერორიზმის (და აგრეთვე მისი ჩადენის, ტერორისტული აქტის) დეფინიცია, აგრეთვე ტერორისტად პირის ან პირთა კვალიფიკაციისთვის, განხილული უნდა იქნას სუბიექტურ თვალსაზრისზე დაყრდნობით და მნიშვნელოვანია დადგინდეს საზოგადოების დამოკიდებულება მსგავსი ქმედების მიმართ. ამიტომ ტერორიზმი განხილული უნდა იქნას ორი პოზიციიდან - ძალადობის მსხვერპლი და მოძალადე. თუ მოხდება საზოგადოების მხრიდან საკუთარი თავის მიჩნევა ძალადობის მსხვერპლად, მაშინ ქმედებას ნამდვილად შეიძლება მიენიჭოს ტერორიზმის კვალიფიკაცია, ხოლო სანაღმდეგო შემთხვევაში, განხორციელებული ძალადობის აქტი გამართლებულია, როგორც გარკვეული მიზნის (მათ შორის პოლიტიკური) მიღწევის საშუალება³.

პროფესორი ჰოფმანი ტერორიზმის განმარტებისათვის ასევე ეყრდნობა განხორციელებული ქმედების ფსიქოლოგიურ ასპექტსაც და ტერორიზმს განმარტავს შემდეგი სახით: „ძალადობა ან ძალადობის მუქარა კონკრეტულ სამიზნე აუდიტორიაზე ფსიქოლოგიური ეფექტის მისაღწევად“⁴.

ბ. ჰოფმანის „რა არის ტერორიზმი“, გვაძლევს ერთიანი დეფინიციის შეუმუშავებლობის პრობლემების შესახებ მოსაზრებას. სხვადასხვა მიზეზებთან ერთად დასახელებულია თავად ტერორისტების ქმედებები და მათი პოზიციები საკუთარი საქმიანობის მიმართ, ვინაიდან თავად ტერორისტული დაჯგუფებები, თუ პირთა წრეები საკუთარ თავს არ განიხილავენ როგორც ტერორისტებს და საკუთარი ოფიციალური სახელებიდან იღებენ ისეთ ფრაზებს რომელიც კავშირშია ტერორიზმთან და გამოწვევია უარყოფითი რეზონანსისა. შესაბამისად, ისინი მიიჩნევენ, რომ მათ მიერ განხორციელებული აქტები ემსახურება საკუთარ და მათ მომხრეთა თავდაცვას, ფართო საზოგადოებისაგან ნეგატიური განწყობების სანაღმდეგოდ⁵.

შეგვიძლია ვთქვათ, რომ ტერორიზმის განმა-

1 ბ. ტერორიზმი - ისტორია, დეფინიცია, ტიპოლოგია, თბილისი, 2019წ.

2 HOFFMAN B. „Inside Terrorism—Third Edition“, (New York: Columbia University Press, forthcoming, August 2017)

3 იქვე.

4 HOFFMAN B. „Change and Continuity in Terrorism“, „Studies in Conflict & Terrorism“ Volume 24, 2001 - Issue 5, p.p 417-428.

5 HOFFMAN B, „What is Terrorism“, International Politics, Enduring Concepts and Contemporary Issues, Twelfth edition, Robert J Art, Robert Jarvis, Pearson Education Limited, 2015, p.p 179-180.

რტებისათვის არასაკმარისია დანაშაულებრივი ქმედების განხორციელება, მასთან ერთად დადგენილი უნდა იქნას ქმედების მიზნები და მიზეზები, დანაშაულის ობიექტი და სხვა, რასაც ინდივიდუალურად უნდა მივუდგეთ და ამიტომ, ერთიანი განმარტება ვერ იქნება მიღებული.

ჰოლანდიელ მკვლევარს ალექს შმიდს სხვადასხვა პერიოდში გამოქვეყნებული აქვს ნაშრომები⁶, სადაც იკვლევს ტერორიზმის დეფინიციებს არამხოლოდ სამეცნიერო ლიტერატურიდან, არამედ სხვადასხვა სახელმწიფოთა აღმასრულებელი ორგანოების შემუშავებული დოკუმენტაციიდან. მის მიერ განხორციელებული კვლევები შეეხება ისეთ ტერორიზმის ისეთ ასპექტებს, როგორიცაა ძალადობა, მისი პოლიტიკური ხასიათი, დაშინება, მუქარა, მესამე პირებზე ზემოქმედება. ის ასევე აღნიშნავს მიზნებს: მასების დაშინება, ტერორისტული ძალების გაძლიერება, მობილიზება და ხელისუფლების ძალების შესუსტება, საზოგადოებრივ აზრზე ზეგავლენა დადებითი ან უარყოფითი ფორმით, პოლიტიკური ძალაუფლების ხელში ჩაგდება და მმართველი რეჟიმის დამხობა⁷.

კალიფორნიის უნივერსიტეტის პროფესორმა დევიდ რაპოპორტმა “თანამედროვე ტერორიზმის ოთხი ტალღა“-ში⁸ წარმოადგინა ტერორიზმის ისტორიული განვითარების თეორიული ჩარჩო, რომელიც იყოფა ოთხ ჯგუფად (ტალღად) - ანარქიზმი, ანტიკოლონიალიზმი, სოციალიზმი და რელიგიურ ფუნდამენტალიზმი.

საერთაშორისო განმარტებებთან ერთად, რატომ უნდა ყველა სახელმწიფოს ტერორიზმი განმარტებული აქვს საკუთარ სისხლის სამართლის კანონმდებლობაში, როგორც დანაშაული. საქართველოს სისხლის სამართლის კოდექსის მიხედვით ტერორიზმს ცალკე თავი აქვს გამოყოფილი და აერთიანებს ისეთ ტერორიზმთან და ტერორისტულ საქმიანობასთან დაკავშირებულ დანაშაულებს. კოდექსით დადგინდა მიზანიც, კერძოდ მიზანი არის მოსახლეობის დაშინება ან ხელისუფლების ორგანოს, უცხო ქვეყნის ხელისუფლების ორგანოს ან საერთაშორისო ორგანიზაციის იძულება, შეასრულოს ან არ შეასრულოს ესა თუ ის მოქმედება, ან ქვეყნის/უცხო ქვეყნის/საერთაშორისო ორგანიზაციის ფუნდამენტური პოლიტიკური, კონსტიტუციური, ეკონომიკური ან სოციალური სტრუქტურების დესტაბილიზაცია ან განადგურება (სსსკ, თავი XXXVIII).

სისხლის სამართლის კოდექსმა ტერორიზმი ძალადობრივი ქმედების და იძულების გამოხატულებად დაადგინა, ვინაიდან ის საზოგადოებისათვის

საფრთხის შემცველი ქმედებაა და შესაბამისად სამართლებრივად დასჯადი ხოლო საზოგადოებრივად მიუღებელი ქმედებაა. ამდენად, ქართულ სამართლებრივ სივრცეში ტერორიზმი, როგორც დანაშაული რეგულირებული საკითხია, თუმცა, ამის საწინააღმდეგოდ უნდა ითქვას, რომ პოლიტიკურ განმარტებებში საკითხი ამოწურული არაა.

საქართველოს ისტორიაში განხორციელებული ტერორისტული აქტებიდან გვინდა გამოვყოთ საქართველოს პრეზიდენტ ე. შევარდნაძეზე 1998 წლის 9 თებერვალს განხორციელებული ტერორისტული აქტი, ვინაიდან, ჩვენი აზრით, დანაშაულებრივთან ერთად ის ატარებდა პოლიტიკური რადიკალიზმის დამახასიათებელ შტრიხებს.

XX საუკუნის 90-იანი წლების დასაწყისში მიმდინარე გლობალური პოლიტიკური დესტაბილიზაციის (საბჭოთა კავშირის დაშლა) ფონზე, მაშინ, როდესაც სახეზე იყო ხელისუფლებების ცვლილებები, პოლიტიკური არამდგრადობა, შეიარაღებული კონფლიქტები და სრული განუკითხაობა, ზვიად გამსახურდიამ ვერ შეძლო პოლიტიკურ ძალთა კონსოლიდაცია, რაც მას ხელისუფლების დაკარგვად და სამოქალაქო ომად დაუჯდა. ამ დროისათვის, დამოუკიდებელი საქართველოს მმართველობით ელიტაში ჩნდება ედუარდ შევარდნაძე, რომელიც 1992 წლის არჩევნების შემდეგ ლეგიტიმურად იკავებს სახელმწიფო მეთაურის ადგილს. ამ პროცესებს პარალელურად სდევს შეიარაღებული დაპირისპირება აფხაზეთში, სამხრეთ ოსეთში და რუსეთთან უკიდურესად დაძაბული მდგომარეობა.

მიუხედავად ამისა, XX საუკუნის 90-იანი წლების მეორე ნახევრიდან (მას შემდეგ რაც სახელმწიფომ მიიღო კონსტიტუცია და შეიძინა უკვე გამყარებული იურიდიული სტატუსი) ადგილი აქვს ნელ, მაგრამ მიზანმიმართულ განვითარებას როგორც ეკონომიკური ისე საერთაშორისო პოლიტიკური კუთხით. საამისოდ მოქმედი ხელისუფლების მიერ ეკონომიკური და თავდაცვითი უსაფრთხოების კუთხით სწორად იქნა არჩეული ევროკავშირის და ევროატლანტიკური ალიანსისკენ მიმავალი კურსი. მეტწილად სტაბილური პოლიტიკური ფონის არსებობამ ხელი შეუწყო ევროკავშირთან და აშშ-თან პრაქტიკულ თანამშრომლობაზე გადასვლას, იწყება საქართველოს ენერგოდერეფნად ჩამოყალიბება, სხვადასხვა საერთაშორისო პროექტები, ევროსაბჭოს წევრობა და სხვა საერთაშორისო აქტები საქართველოს აძლევენ მეტი უსაფრთხოების გარანტიებს. ეს ყველაფერი კი სახელმწიფოს აძლევდა საშუალებას დისტანცირებულიყო რუსეთის და რუსული გავლენებისაგან (გარკვეულწილად მაინც).

6 Schmid A. (2005). Political Terrorism: A New Guide to Actors, Authors, Concepts, Data Bases, Theories, and Literature (1st ed.). Routledge. <https://doi.org/10.4324/9781315126760>

Schmid A., HANDBOOK OF TERRORISM RESEARCH, Routledge, 2 Park Square, Milton Park, Abingdon, Oxon, OX14 4RN, 2011
Schmid A., „Defining Terrorism“, ICCT Report, March 2023

7 გორაშვილი გ. ტერორიზმის კრიმინოლოგიური დახასიათება. თბილისი: თბილისის უნივერსიტეტის გამომცემლობა, 2011წ, გვ. 21.

8 Rapoport D. „The Four Waves of Modern Terrorism.“ Washington, DC: Georgetown University Press, 2004.

ფაქტია, რომ ქვეყნის ასეთი განვითარება და კურსი ვერ დარჩებოდა რუსეთის ინტერესების მიღმა. ამიტომ, პოლიტიკური დესტაბილიზაციის ევროატლანტიკური კურსის ცვლილების მიზნით, რუსული სპეცსამსახურების მიერ გამოყენებული იქნა პრეზიდენტ გამსახურდიას მომხრეები, რითაც აქტი შეინიღა ეროვნული და ლეგიტიმური ხელისუფლების დაბრუნების მოტივით. „ზვიადისტების“ აქტიური მომზადება განხორციელდა რუსეთის ფედერაციის ტერიტორიაზე და სამიზნედ შერჩეული იქნა ქვეყნის ერთიანობის, ეროვნული დამოუკიდებლობის და პოლიტიკური სტაბილურობის გარანტი - სახელმწიფოს მეთაური.

ტერორისტული აქტის შეფასებისას ყურადღება უნდა გავამახვილოთ მის მიზანზე, რითაც დავადგენთ მის კავშირს პოლიტიკურ რადიკალიზმთან.

ტერორისტული აქტის უმთავრესი მიზანი, როგორც ზემოთ აღვნიშნეთ, იყო პრეზიდენტ შევარდნაძის მკვლელობა, რაც გამოიწვევდა ანარქიული პროცესების განვითარებას და შესაბამისად, ძლიერი რისკის ქვეშ დადგებოდა ქვეყნის მიერ დეკლარირებული პოლიტიკური დღის წესრიგი. პოლიტიკური რადიკალიზმის განმარტებიდან გამომდინარე, მისი თვისებების, მახასიათებლების, მიზნების და მიზეზების გაანალიზებით მივდივართ დასკვნამდე, რომ ტერორისტულ აქტის ამსრულებლები არ იყვნენ მხოლოდ ტერორისტები და პოლიტიკური ჭრილით განხილვისას ვასკვნით, რომ მათი ქმედების კრიმინალურ ასპექტთან ერთად დგინდება ქმედების პოლიტიკურად რადიკალიზებული ხასიათი. ამიტომ, განხორციელებული ტერორისტული აქტის მიზნებზე დაყრდნობით შეგვიძლია განვაცხადოთ, რომ არსებული პოლიტიკური წყობილების შეცვლა, მისი დესტრუქცია და პოლიტიკური კურსის ცვლილება დასავლეთიდან ჩრდილოეთზე, პირდაპირ წარმოადგენს პოლიტიკურ რადიკალიზმს, რისთვისაც გამოყენებული იქნა მისი უკიდურესი და უარყოფითი სახე ტერორისტული აქტი.

დასკვნა

წინამდებარე ანალიზში შევეცადეთ განგვემართა პოლიტიკური რადიკალიზმის გამოვლინების უკიდურესი და ძალადობრივი მხარის - ტერორიზმის პირდაპირი კავშირი პოლიტიკურ მიზნებთან.

სამეცნიერო, სახელმწიფო ორგანოთა ანგარი-

შეხსა თუ სისხლის სამართლის კანონმდებლობაში არსებული ტერმინოლოგიის, მახასიათებლებისა და ფაქტების საერთო ანალიზით, ვასკვნით, რომ ტერორიზმი კავშირშია პოლიტიკურ აქტივობებთან და მოცემულია როგორც პოლიტიკური წყობილების თუ გადაწყვეტილების დესტრუქციისაკენ მიმართული ქმედება. ტერორიზმის მიზნებიდან და ხასიათიდან გამომდინარე, რომელიც პოლიტიკურთან ერთად აერთიანებს საზოგადოებრივ-სოციალური დემორალიზაციას, შიშს და ძალმომრეობით ხასიათს, ვასკვნით, რომ ტერორიზმი ხშირ შემთხვევაში წარმოადგენს პოლიტიკური რადიკალიზმის აღსრულების იარაღს, რომლის მიზანია არსებული სოციალური და პოლიტიკური ინსტიტუტებისა და წყობილების რადიკალური და ძირფესვიანი ცვლილება.

გამოყენებული ლიტერატურა:

1. ნაჭყეია ბ. ტერორიზმი - ისტორია, დეფინიცია, ტიპოლოგია, თბილისი, 2019წ.
2. HOFFMAN B. „Inside Terrorism—Third Edition“, (New York: Columbia University Press, forthcoming, August 2017)
3. HOFFMAN B. „Change and Continuity in Terrorism,“ „Studies in Conflict & Terrorism“ Volume 24, 2001 - Issue 5, p.p 417-428.
4. HOFFMAN B, „What is Terrorism“, International Politics, Enduring Concepts and Contemporary Issues, Twelfth edition, Robert J Art, Robert Jervis, Pearson Education Limited, 2015, p.p 179-180.
5. Schmid A. (2005). Political Terrorism: A New Guide to Actors, Authors, Concepts, Data Bases, Theories, and Literature (1st ed.). Routledge. <https://doi.org/10.4324/9781315126760>
6. Schmid A. , HANDBOOK OF TERRORISM RESEARCH, Routledge, 2 Park Square, Milton Park, Abingdon, Oxon, OX14 4RN, 2011
7. Schmid A, „Defining Terrorism“, ICCT Report, March 2023
8. გორაშვილი გ, ტერორიზმის კრიმინოლოგიური დახასიათება. თბილისი: თბილისის უნივერსიტეტის გამომცემლობა, 2011წ, გვ. 21.
9. Rapoport D. „The Four Waves of Modern Terrorism.“ Washington, DC: Georgetown University Press, 2004.